

東華錄

康熙九

臣王先謙敬編

臣周潤
倫著恭校

康熙八年己酉春正月丁未先是大學士金之俊予告在籍獲有
誣毀伊之匿名帖呈送江南江西總督郎廷佐後又獲施君禮所
投首詞稱前項謗帖乃施商雨等所作亦行呈送郎廷佐即行提
人犯究審隨以謗帖首詞始末入告得旨匿名乃奸惡之徒造寫
陷害平人如見其投擲拏獲理應照律從重治罪今施君禮稱爲
施商雨所作乃不自行持首將帖擲於金之俊門首事屬可疑若
因此匿名帖察拏究問則必致株連無辜且律載收審匿名帖者
將審問之人治罪施商雨等俱不必察拏究問金之俊係大臣將
匿名帖送總督究審郎廷佐係總督將匿名帖收受察拏生事不



合著議處至是吏部以金之俊郎廷佐前應罰俸議上得旨金之俊著革去官保銜郎廷佐於病痊起用日降四級調用○戊申諭

工部奉 太皇太后旨皇帝見居清甯宮卽保和殿也以殿爲官

於心不安可將乾清宮交泰殿修理皇帝移居彼處朕謹遵 諭

旨移居爾部卽選擇吉日修理樸實堅固以仰副 太皇太后慈

愛朕躬至意○甲寅以王光裕爲左副都御史

由左僉都御史遷

○兵部

議奏賞卹征勦叛賊蘇利陣亡受傷官兵內五名因無妻子親屬無從賞給得旨此等甲兵雖無親屬但效力疆場傷亡可憫應酌量卹祭以後此等傷亡兵丁著照此例行○丙辰以修理 太和

殿興工 上移居武英殿○庚申議政王等會議南懷仁奏吳明

烜推算曆日差錯之處奉旨差犬學士圖海等同欽天監監正馬

祐測驗立春雨水太陰火星木星與南懷仁所指逐款皆符吳明

烜所稱逐款不合應將康熙九年一應歷日交與南懷仁推算得旨楊光先前告湯若望時議改王大臣會議以楊光先何處爲是據議准行湯若望何處爲非輒議停止及當日議停今日議復之故不向馬祐楊光先吳明烜南懷仁問明詳奏乃草率議覆不合著再行確議○辛酉轉劉鴻儒爲兵部左侍郎以李棠蘖爲兵部右侍郎原任倉場侍郎○癸亥轉王清爲刑部左侍郎以張爾素爲刑部右侍郎原任○是月免直隸昌平陝西郿縣等五州縣去年水災額賦地廢者永豁免之

二月庚午議政王等遵旨會議前命大臣二十員赴觀象臺測驗南懷仁所言逐款皆符吳明烜所言逐款皆錯問監正馬祐監副宜塔喇胡振鉞李光顯亦言南懷仁歷皆合天象竊思百刻歷日雖歷代之已久但南懷仁推算九十六刻之法既合天象自康

熙九年始應將九十六刻祿日推行又南懷仁言羅喉計都月孛星係推算祿日所用故開載其紫炁星無象推算祿日並無用處故不開載自康熙九年始將紫炁星不必進入七政祿日內又言候氣係自古以來之例推算祿法亦無用處嗣後亦應停止楊光先職司監正祿日差錯不能修理左袒吳明烜妄以九十六刻推算謂西洋之法必不可用應革職交刑部從重議罪得旨楊光先革職從寬免交刑部餘依議○辛未濬京師護城河○癸酉工部左侍郎吳正治丁憂命回籍守制○乙酉以陳秉直爲陝西按察使

原任河南按察使

○諭吏部兵部文官有撫循百姓綏理地方之責武

官有訓練士卒防守地方之責必得其人乃克勝任朕巡幸近畿見通州知州歐陽世逢州同李正傑庸劣無才副將唐文耀不嫻武事俱著革職直隸各省總督提督巡撫所屬文武官員內有庸

劣無才不能勝任者歷不時察參以副朕倚任之意乃直隸督撫竟不將歐陽世逢等官早行參奏理當議處姑寬宥一次著嚴飭行○辛卯禮部請封外藩蒙古諸王妃得旨察哈爾阿布奈親王之妻著停封餘如議阿布奈係出征所獲之人乃尙以固倫大長公主命爲親王恩遇優渥較之在內諸王及在外蒙古諸王止有太過並無不及乃在外諸王貝勒等每年俱來問安年節來朝阿布奈竟忘恩養八年以來不一朝請且每年遣人存問公主所生之子頒給恩賜阿布奈猶不親身一問 太皇太后及朕躬安公主所生幼子阿布奈理應撫養乃交與已分家之長子更屬何心此等情節著理藩院嚴察議奏○予故致仕太子太保吏部尙書明安達禮祭葬諡敏果

三月甲午朔調高辛印爲工部右侍郎

由兵部
督捕調

○丁酉以臬廷相

爲河南巡撫

由四川布政使遷

○戊戌御史張登選奏提鎮統轄將領捍

衛地方其權甚重不可不合同選擇請照

世祖章皇帝時定例

提督總兵官仍著九卿會推開列恭候簡出至武官功績令兵部

逐一詳開九卿合同查覆則無功者不敢倖進矣得旨提督及總

兵官統轄邊疆地方關繫重大以後缺出將應補授官員兵部冊

內所載功績逐一開列著九卿科道會推具奏○己亥予故戶部

尚書馬邇賽祭葬諡忠敏○辛丑諭戶部前以爾部題請直隸等

省廢藩田產差部員會同各該督撫將荒熟田地酌量變價今思

既以地易價復徵額賦重爲民累著免其變價徵回所差部員將

見在未變價田地交與該督撫給與原種之人令其耕種照常徵

糧以副朕愛養民生之意至於無人承種餘田應作何料理著議

奏尋部議請將無人承種餘田招民間墾從之○庚戌諭吏部原

任戶部尚書王宏祚係 皇考簡用之人效力年久可照原職補用○授西洋人南懷仁爲欽天監監副先是欽天監官按古法推算康熙八年歲以十二月置閏至是南懷仁言雨水爲正月中氣是月二十九日值雨水卽爲康熙九年之正月不當置閏置閏當在明年二月 上命禮部詳詢欽天監官多直南懷仁乃罷康熙八年十二月閏移置康熙九年二月其節氣占候悉從南懷仁之言○乙卯四川巡撫張德地奏採取木八十株得旨修造宮殿所用相木不敷酌量以松木湊用○丙辰以劉兆麒爲浙江福建

總督

原任四
川總督

夏四月癸亥朔日有食之○丙寅內國史院大學士衛周祚以疾請假命乘驛回籍調理准支俸病痊起用○癸酉以杜立德爲內國史院大學士

由吏部
尚書遷

○予故原任浙江總督趙廷臣祭葬諡清

獻廕一子入監讀書○乙亥以金僑爲四川布政使

原任河南右布政使○

丁丑

上幸太學釋奠先師孔子

御彝倫堂講周易尙書○戊

寅賜衍聖公孔毓圻及祭酒以下諸臣宴並賜袍服助教監生等

賜白金有差贖本監鄉試中額八名陪祀聖賢後裔內國史院中

書頭先疏等照例優敘生員孔興訥等十五人令入監讀書○己

卯調黃機爲吏部尙書

由戶部調

○辛巳給事中劉如漢奏請先行日

講次舉經筵選擇儒臣分班進講

上嘉其言下部議行○癸未

發帑金賑直隸眞定府屬饑○己丑調郝惟訥爲戶部尙書

由禮部調

五月乙未調龔鼎孳爲禮部尙書

由兵部調

○丙申刑部戶部遵旨會

奏凡遇聖駕出郊之處有叩關者照刑部議衝突儀仗之律杖

一百發邊遠充軍其戶部議責四十板之例相應停止得旨凡行

幸之處跪告交與部者若不審明事之虛實遽照衝突儀仗律則

此內或不寬和亦未可定以後著審明所告之事虛者責四十板
免其支軍○己亥內秘書院學士卿布奏伊神達海巴克式蒙賜
謚文成請立石碑以光永久得旨達海巴克式通滿漢又字於滿
書加添圈點俾得分明又照漢字增造字樣於今賴之念其效力
年久著有勞績著追立石碑○壬寅以王宏祚爲兵部尚書

原任戶部

尚書○戊申命議政王等拏問輔臣公竇拜等諭曰前工部尚書員

缺竇拜以朕素不知之濟世妄稱才能推補通同結黨以欺朕躬
又奏稱戶部尚書缺 太宗文皇帝時設有二員今亦應補授二
員將馬邇賽徇情補用又竇拜於朕前辦事不求當理稍有拂意
之處即將部臣叱喝又引見時竇拜在朕前理宜聲氣和平乃施
威震衆高聲喝問又科道官員條奏竇拜屢請禁止恐身干物議
閉塞言路又凡用人行政竇拜欺朕專權恣意妄爲文武各官盡

出伊門下內外用伊奸黨大失天下之望穆理瑪塞本得訥莫佛
倫蘇爾馬班布爾善阿思哈爾褚哈濟世馬爾賽泰璧圖邁音達
吳格塞布達禮等結成同黨凡事在家定議然後施行且將部院
衙門各官於啟奏後常帶往商議衆所共知鰲拜等倚仗兇惡棄
毀國典與伊等相好者薦拔之不相好者陷害之忝念鰲拜舊臣
潰詔有名寵眷過深望其改惡悔罪今乃貪聚賄賂奸黨日甚
上違 君父重託下則殘害生民種種惡蹟難以枚舉遏必隆知
而緘口將伊等過惡未嘗露奏一言是何意見阿爾達負朕恩寵
每進奏時稱贊鰲拜爲聖人著 併嚴拏勘審○戊午諭吏部近
究審鰲拜等罪案知莫洛白清額阿塔皆其黨羽本當逮問治以
重罪念其既經用爲督撫畀以地方重任受事以來剔除加派火
耗等弊姑從寬免罪仍留原任以後著益殫心勉力潔已率屬綏

輯地方愛養生民以副朕宥過留用之意○令各省備所錢糧併入民糧一體考成巡撫○己未以巴泰爲內祕書院大學士

原任內國

史院大學士

○理藩院遵諭議覆阿布奈無藩臣禮大不敬應論死革

去王爵不准承襲得旨阿布奈理應依議處死但向經恩遇姑從寬免死著革去親王嚴禁盛京○庚申康熙親王傑書等遵旨勘問
繁拜罪款繁拜係國家大臣背負先帝重託任意橫行欺君擅權令文武各官盡出門下罪一引用內外奸黨致失天下人望罪二與穆理馬塞本得謁莫佛倫蘇爾馬班布爾善阿思哈噶褚哈濟世馬遜賽泰璧圖邁音達吳格塞布達禮等結成奸黨一切政事先於私家議定然後施行又將部院啟奏官員帶往私門商酌罪三倚恃黨惡紊亂國政所喜者薦舉所惡者陷害皇上眷念舊臣曲爲優容不思改惡聚貨養奸罪四上違遺詔下虐生民

凡結黨敗壞之處奉旨審問巧飾供詞罪五明知馬邇賽光泰噶
達渾三族係 太宗文皇帝 世祖章皇帝時不用爲侍衛之人
復擅行起用罪六於歸政之後卽將蘇克薩哈滅族又將白爾黑
圖烏爾把等無罪枉殺罪七原任尙書蘇納海總督朱昌祚巡撫
王登聯以八旗更換地畝不順其意擅加殺害罪八偏護本旗將
別旗已定之地輒行更換罪九 皇上親政尊崇 聖母孝康皇
后查取從前詔款鰲拜不將配辜 太廟 奉先殿典禮奏請施
行此係欺 君輕慢 聖母之處罪十貪攬事權延挨不請辭政
罪十一因內大臣噶布喇之女冊立 皇后心懷妬忌敢行奏阻
罪十二謬稱濟世賢能授爲尙書罪十三妄奏戶部舊設尙書二
員以同黨馬邇賽補居要地罪十四禁止科道陳言恐摘發情弊
阻塞言路罪十五能賜履條奏之事鰲拜以爲劾已意圖傾害罪

十六馬邇賽部議賜諡奉有何顯功不准行之旨鰲拜不遵仍給與諡罪十七於 皇上前凡事不依理進奏多以舊時疏稿呈覽偏勒依允罪十八 御前呵叱部院大臣攔截章奏罪十九私買外藩人爲僕罪二十擅授敗陣革職達素等原職罪二十一讒蘇克薩哈罪狀時止同班布爾善等定議恐大學士巴泰逆意不合不與聞罪二十二因伊馬匹被偷將 御馬頭目並偷馬人自戕盡行處決籍其家產入己罪二十三以俄訥喇哈達宜理布等在議政不肯附和卽裁止蒙古都統不使會議罪二十四 先帝遺詔內鰲拜名列遏必隆之後乃不行遵奉凡起坐班行皆居遏必隆之右同黨嚆稽哈於列名啟奏時亦將鰲拜名前列罪二十五聞遏必隆因 皇上傳喚養鷹之人激發怒言有成何 朝廷之說不行舉首罪二十六費耀色奉旨放鷹因其自行啟奏不

先闕白輒加愾怒罪二十七 皇上行幸海子令鰲拜奏明 太
皇太后乃不遵旨反云 皇上自奏罪二十八勢勒克什克之父
妾配伊家罪二十九以克什克父之墳墓有礙伊家風水偕令
遷移罪三十逆惡種種所犯重大應將鰲拜革職立斬其親子兄
弟亦應斬妻侄孫爲奴家產籍沒其族人官職及在護軍者均
應革退各鞭一百披甲當差遇必隆同爲輔臣於白爾黑圖被鰲
拜殺害之事不行勸阻惟自認軟弱巧飾供詞罪一過必隆會攬
事權遲延不奏辭政罪二內大臣時布喇之女冊立 皇后過必
隆心懷妬忌與鰲拜同入奏阻罪三鰲拜奏事時多以舊時疏稿
蒙混進呈過必隆不行勸阻罪四鰲拜更換地畝過必隆雖欲停
止不與爭執致蘇納海等被殺罪五吳爾喀係過必隆屬下之人
未經部議擅授官職罪六過必隆奉 遺詔輔政鰲拜惡踏不行

奏明深負 付託之旨罪七過必隆等議蘇克薩哈罪案恐大學士巴泰異議不使與聞罪八熬拜以馬匹被偷將馬羣頭領人等擅殺一案過必隆既知其情不行舉首罪九過必隆因 皇上傳喚養鷹之人激發怒言有成何 朝廷之說藐視 皇上罪十

皇上行幸海子諭過必隆等奏明 太皇太后過必隆推諉不奏罪十一三等侍衛費耀色奉旨放鷹過必隆因其自行啟奏不先關白輒加忿怒罪十二過必隆欺 君誤國諸款審問時不以實供種種遮飾情罪重大應將過必隆革職立絞未分家之子並妻爲奴其子所襲之公爵原係圖爾格所立不便仍留與過必隆之子另選族人承襲其族人 有官職及在護軍者均應革退披甲當差班布爾善係宗室輔國公授爲大學士附和熬拜藐視 皇上結黨行私悖負國恩罪一班布爾善奏教習庶吉士二年期滿請

考試散館奉有再讀書一年之旨班布爾善因不順己意念怒而出罪二戶部書役勞於新冒支錢糧案內牽連官員部議援赦免罪具奏班布爾善擬票駁回後部議照票籤擬罪班布爾善復改援赦一事處分前後互異罪三御史俞鐸以條奏不實奉旨嚴飭班布爾善擅寫擬罪票籤部議降二級調用班布爾善又改籤免罪後奉有革職之旨仍執拗奏請終免其罪罪四遏必隆鰲拜奉旨封公具本辭爵班布爾善以辭爵本章止有滿書令兼寫漢字聲揚輔臣之美譖事輔臣罪五恩賜諸王段匹多寡數目舊有定例班布爾善擅行增改罪六喀爾喀畢什克圖汗之子迷竄來歸奉旨封公班布爾善以爲過分不查定例屬令理藩院以後蒙古不必照此例優封罪七班布爾善譖事鰲拜無故將鰲拜誥命欲行更改罪八鰲拜等議蘇克薩哈之事班布爾善恐巴泰阻謀不

與同去罪九班布爾善於衙門一切公事自行專主不與同寮大學士票籤止同吳格塞料理罪十班布爾善與馬邇賽等結黨朝會之所避衆私語罪十一班布爾善將伊姨母之子蓋達擢授爲內閣典籍罪十二班布爾善僱用家僕裴天成充內院筆帖式罪十三班布爾善令馬邇賽之弟伊思哈在票籤處行走與馬邇賽等傳遞信息罪十四大學士等因鼓廳官員將不應奏之事代題公議處分班布爾善以爲不便參處恣行爭執罪十五班布爾善嫉戶部尚書王宏祚諫達部務若留在部內恐伊黨馬邇賽凡事不得自專將王宏祚票擬革職罪十六科臣王之誥以隱匿應緝鹽商之事部議責卑流徙奉旨依議班布爾善不遵旨行乃於次日改票豁免罪十七班布爾善引用奸黨致失人望罪十八班布爾善附從鰲拜與穆里瑪等結黨凡事驟先在家議定然後施行